

I. N. 3.

CIRCULUS ARTIUM,

Quæ appellantur, liberales,
cum consensu Amplissimæ Facult. Philos.

ACADEMIÆ ABOENSIS,

PRÆSIDE.

Admod: Reverendo & Celeberrimo,

Dn. TORST: RUDEEN

Poës: Prof. Otdinario.

Disputatione Graduali

Exhibitus

A

GABRIELE FRONDELIO,


Apolog: Sch: Cath: Ab:

In Auditorio max: ad diem 6. Decemb:

Anno 1700, horis confuetis.

Impr: JOH. WINTER/ Anno M. DCC.

No. . No. ?



Q. R. F. Q. S.

Membr. I.



Rtium & disciplinarum,
qalis fuit apud veteres,
ratio, si scitu non adeò
necessarium, certe tamen
haud injucundum erit:
Varia enim earundem
apud veteres interpretatio fuit, atque
etiamum est, convenientibus tamen
cunctis in hoc ipso, quod sint artes ho-
miae ingenuo & libero dignæ, undè li-
berales quoque dicuntur; undè patet fal-
li illos qui, Svetice vertunt; Booklige
Konster / neq; enim librales, sed liberales
Fr̄he Konster / dicuntur, quæ servilibus
opponuntur, quamvis nec sic tamen o-
mni sint destituti ratione, qui priorem
denominationem urgent, quandoquidem
ex libris discuntur, & vix harum artium
compoetes nunc nisi opè librorum fa-
mus. Propterea has disciplinas Ammo-
nius τήν ἐλευθέρων παιδίαν, & Galenus

τὰ παιδείας μαθημάτα vocarunt. Sole-
 bant enim his famulantium doctrina-
 rum, Studiis, certo quasi circulo com-
 prehensis ingenui pueri à prima statim
 ætate ad Philosophiam præparari. Unde
 etiam Aristotelem atque Galenum tam-
 diu liberalibus disciplinis innutritos no-
 vimus donec alter septimo, alter verò
 decimo quinto ætatis anno philosopha-
 ri inciperer. De Latinis satis clara per-
 hibent testimonia hac de re, ut alios ta-
 ceam, Lactantius atque Augustinus. I-
 dem etjam observarunt Woverius & Vo-
 sius viri Clarissimi, dum istis artibus vo-
 cabula τῶν ἐλευθεριῶν, ἐπισημῶν, τῆς παιδείας
 πρώτου μαθημάτων, κύκλος, ἐγκυκλίω τεχ-
 νῶν, εγκυκλιοπαιδείας, aliaqve id genus
 sexcenta passim indita docent à Scripto-
 ribus Græcis. Illos imitati Latini, artes
 ingenuas, liberales, humanas, pueriles,
 primam disciplinam, circulum disciplina-
 rum, cyclicas disciplinas, similiter dixerunt.
 Ego sanè existimarim has septem artes,
 liberales appellatas fuisse, non modo eo
 quod immunitatem iis, qui ipsas pro-
 bè didicerunt, à re militari & graviori-
 bus oneribus conciliare quondam sole-
 rent

rent, aut quod libertatem atque facilitatem dicendi atque judicandi de re quavis suis amatoribus conferre valeant, sed vel maxime quia ingenuis & liberis hominibus sunt dignæ. Qvis autem liber dicendus sit, audies ex Cicerone, qui inquit: *libertas est potestas vivendi ne velis: is verò vivit ut vult, qui recta sequitur, qui gaudet officio, cui vivendi via considerata, atque Provisa est: qui legibus quidem non propter metum paret, sed eas sequitur atque colit, quia id salutare maxime esse judicat, qui nihil dicit, nihil facit, nihil cogitat nisi libenter ac liberè: cuius consilia omnia, resq; omnes, quas gerit, ab ipso proficiuntur, eodemq; referuntur, nec est ulla res, quæ plus apud eum pollent, quam ipsius voluntas atq; judicium, cui etiam ipsa fortuna cedit, ut Differit ille Parad: pen: Harum artium liberalium nomine aliquando comprehenditur Philosophia ipsa nimirum haud alio sensu, quam qvi eas opponit artibus illiberalibus, hoc est, Βαράυσοις ήγη Χειρωνακτικοῖς. Verum quoties bona liberaleſve artes à Phi-*

Philosophiā distingvuntur, scientias famulatrices, quarum elementa ipsis statim pueris ingenuis instillabantur, designari certum est. Nam quod hodiē bonarum artium appellatio cum Philosophiæ vocabulo paria fere facit, sciendum olim non fecisse, cum illa ætas bonas artes à Philosophia perinde distingveret, ut nostra disciplinas instrumentales secernit à principalibus, Imò diu ante conditas in orbe Romano, quas vocamus, universitates Scholasticas, in veterum Græcorum pariter ac Romanorum Scholis viguit hæc distinctio.

Membr: II.

Non Potuit hæc consuetudo non manare ad Academias, cum constet harum doctrinam publicam, initio intra solas septem disciplinas stetisse, Physicæ verò Metaphysicæ, & philosophiæ practicæ Professiones aliquando serius accessisse. *De quo vides Antiquitates Academicas summi viti Hermanni Conringii diss. p. 44. & iii. p. 79. 80.* Atque ita, quæ Primo facultas artium simpliciter vocabatur, amplificatis postea

stea eruditionis finibus, artium & Philosophiae salutari cœpit. Nota est harum disciplinarum in trivium & quadri-
 vium divisio, vid. Saresb. i. Metalog. 12.
 p. 29. *de artibus liberalibus.* Dum Gram-
 matica, Dialectica & Rhetorica in unam,
 Musica verò Arithmeticā, Geometria &
 Astronomia in alteram peculiarem clas-
 sem abierunt. Verum non æque no-
 tum, qvo primum tempore septem nu-
 merari cœperint, cum Voverius atque
 Vossius viri alias accuratissimi, historiam
 illam non modo prætereant, sed & ali-
 cubi turbare videantur. Nemo Græco-
 rum nec ex Latini quidem Quintilianus
 & Varro, Logicæ seu Dialecticæ locum
 facit inter artes ancillantes: contra ma-
 nifestissime his exemptam ipsius Reginæ
 Philosophiae partibus eam accenset Sex-
 tus Empiricus in libris adversus discipli-
 nas. Qvos consentaneum est scripsisse
 juxta partitionem, quæ tum publice es-
 set receptissima: ut illorum temporum
 de hoc argumento historia non aljunde
 nobis possit esse certior. Clare enim o-
 pus illud sic digerit, ut Philosophiae se-
 di-

disciplinas præcurrentes faciat, Grammaticam, Rheticam & quatuor illas Mathematicas ; Philosophicam ipsam, Logica, Physica, Ethica circumscribat, aperte hic periude ut in hypotyposcon libris, ubi lib: 3. cap. 2. trimembrem illum, passimque decantatam secutus Philosophiae divisionem, quam & Stoicæ familiæ cum Peripato ac Platonicis communem facit. Hoc dubio caret, in illum τῆς προπαιδείας circulum sex tantum, non seprem conjectas fuisse à Græcis, Dialectica huic nondum ergastulo inclusa, quam Plato certe in tanta habuit dignitate, ut eam diserte omnium doctrinarum apicem celebraret, elogio verius in primam Philosophiam, seu Metaphysicam quadrante. Quamobrem & Aldus Manutius fallitur, cum inter Græcorum liberales artes Grammaticæ Rheticæque statim adjungit Dialecticam. Fuit enim apud eam gentem res ita: circulum liberalium artium (earum nempè, quæ secundi gradus Nunnesio, liberaliores Vossio, audiunt, ut ut distingvantur à liberalibus gradu positivo dictis) au- spica-

spicabantur pueri apud Grammaticos & Rethores. Has solas hac in re memorat Galenus, de Dialecticis tacet. Qvos ne Juliani quidem temporibus huic ordini accessisse probatur ex Ammonio, ubi narrat, quemadmodum ille Apostata vetus docere Magistros Christianorum Rhetoricos & Grammaticos. Qva tempestate duos apollinares, Patrem Grammaticum, filium Rethorem veteratorios tyra~~nni~~ conatus non parum repressisse proditum est.

Membr: III.

Non alia apud Romanos viguit institutio, jam indè ab illis initiis, cum primum literas amare cœpit Roma, usque ad Christianorum Cæsarum aliquò progressa tempora. Indè Svetonius de illustribus Grammaticis ac Rethoribus scribere potuit, de claris vero Dialecticis non licuit. Indè apud Quintilianum, & in rescriptis imperatorum, quibus utriusque imperii Scholæ ordinantur, de Grammaticis & Rethoribus mentio crebra, de Dialecticis altum usque silentium

Jam ad vetustiores Græcos redeamus,
 qui ex institutis Pythagoræ præsertim
 aut Platonis duci in adyta Philosophiæ ex-
 petebant, ubi Rhetorum & Grammati-
 corum Scholas essent egressi, eos subigi
 prius oportebat disciplinis Mathematicis,
 quippe quas ad sublimiorem scien-
 tiā, vestibuli, viæ, pontis, graduum, sca-
 larum, ansarum instar, obtinere sciscebant
 Magistri. Erant a. quatuor illæ, quas supra
 memor habamus. Nec plures temerè aut
 alias enumeratas invenies in scriptis ævi
 antiquioris. Quid & Categoriarum Aristote-
 lis (inventum ut volunt Pythagori-
 cum) earum vestigia in quantitate ser-
 vant. Habemus enim ibi objecta singu-
 larum, superficiem, corpus, Geometriæ,
 motum & tempus Astrologiæ, numerum
 Arithmetice, orationem Musice. Qvod
 qui non animadvertunt, aut exotericum
 opusculum ad aeroamaticas Subtilitates
 exigunt, non mirum est, si nodis inex-
 plicabilibus hic impediuntur. Ultra Mat-
 hesis quicquid discebat, jam non παιδεία
 erat amplius, sed Philosophia. Quam
 ideo quia practica sui parte duas artes,
 theo-

theoretica quatuor scientias supergredie-
batur, artem artium & scientiam seien-
tiarum laudabant, hoc ideo encomium,
ut alia plura una cum ipso Philosophiæ
nomine κατ' εξοχὴν tribuentes, interdum
scientiæ entis, quatenus ens, hoc est
Metaphysicæ. Imo tandem Dialecticæ
quod tamen magis est ut per impruden-
tium excidisse dicamus iis, qui & Plato-
nem de predicandâ Dialecticâ, quam ipse
quidem non satis à Metaphysica discre-
verat, æmulari vellent, nec observarent
interim, hunc titulum non satis conve-
nire arti, quam ipsi fecerit ac Plato, mini-
stram esse pronunciarent, non principem.
Eadem inadvertentia Johannis Tzetze
fuit, cum in catalogo septem ἐνκυκλιῶν
μαθημάτων sui ævi pro Dialectica nomi-
naret Philosophiam. Nam ὁ πολυμαθέστατος
Vossius, dum illud verbum Græculi rho-
psodi ex sensu proprio, & quasi ex
mente Porphyrii prolatum exaudit, bis
fallitur, de quo vid. p. 21. de Phil. pro-
pe finem, ubi & male ab initio pag. aliud
insuper præter mentem Tzetze arguta-
tur in causa sequens, ut appareat Vove-
rium

rium, p. 16. Polym. Johanne hoc magis sapuerunt, qui ubi animo reputassent, nobiliorem esse Philosophia nostra theoretica, doctrinam illam, quam de se Deus in Ecclesiâ revelavit, et practica, sed in umbris manente, civilem illam ac forensem, quæ publico bono justitiam administrat, Philosophiz nonen ad hæc ipsi sublimiora officia transtulerunt. Quid fecerunt Theologi imo & jure consulti non tam nostrum nobis nomen eripientes (ab in nocentibus enim invidiam abesse credimus) quam distingvendi exemplum capientes à nobis. Apposite enim Clemens Alexandrinus. Quemadmodum, inquit, liberales quæ stant in circulo, disciplina conferunt ad Philosophiam, quæ est ipsorum domina: Ita etiam Philosophia conducit ad parandam sapientiam: eam puta, quæ omnem humanam eruditionem transcendit.

Membr. IV.

Hinc ex iis quâ dicta sunt hactenus facile est respondere ad quæstionem à Vossio magis indicatam quam decisam Cur & veteres olim Mathematicis ante Dia-

Dialecticam imbuti fuerint; & hunc ordinem inverterit ætas posterior. Nempe illi Dialecticam, quod & Galeni confessione, item Plutarchi simili potest pro parte Philosophiæ venerabantur: posteri siac dignitate exutam deprimebant in puerilium disciplinarum classem sermonalem, hoc est infimam, & eo pacto pro sex artibus liberalibus dabant septem: sicuti & hodie contrario ritu Mathesis ex instrumento facta est pars Philosophiæ. Ideoque non regnum tantum, sed & scientiarum quoq; publicas conversiones notare licet. In isthac rei literariæ periodo, quid recte perperamve innovatum sit, decernere hac vie non constituimus. Id fortè tamen dicendum est, quo tempore Dialectica septenarium artium liberalium numerum completere cœpit, quod si fallor tum primum contrigit, cum decretum fuit in Scholis, Logicam sic esse Philosophicæ instrumentum, ut non simul sit pars. Hæc omnia ulterius expōnere, & totam de ipsis artibus historiam ad nostra usque tempora deducere præsens festinatio non sinit. Ad earundem

artium liberalium naturæ expositionem
potius properandum est.

Membr. V.

ARees has liberales esse septem, uti su-
pra voluimus etiam indicant sequen-
tes versus mnemonici:

*Lingua, tropus, ratio, Numerus, Tenor, Angu-
lus, Astra.*

*Item: Gram: loquitur, Dia: ver i docet, Rhet:
verba colorat*

*Mus: canit, Art: numerat, Geo: ponderat, As.
Docet astra.*

Hinc omnium primò naturam sui ex-
ponendam nobis slist Grammatica, quæ
duplex est: Una de locutione, altera de
scriptione. Hæc enim veluti viatoris lo-
cum erga cæteras scientias obtinet, non
nobilem illum quidem, sed in primis ta-
men necessarium, præsertim cum scien-
tia, nostris seculis, ex linguis eruditis,
non vernaculis, potissimum habriantur.
Grammaticæ hujus in linguis quibusque
vernaculis exiguum certe est usus: in ex-
ternis perdiscendis latior: Amplissimus
vero in illis lingvis, quæ vulgares esse
desierunt, & in libris tantum perpetuan-

tur. Possit etiam præter Grammaticam hanc literariam alia dæri, quæ Philosophica sit. Illa simpliciter ad lingvas adhibetur, ut quis eas aut celerius perdiscat, aut emendatius, & purius loquatur: Hæc vero aliquatenus Philosophiæ ministrat, dum analogiam non verborum ad invicem, sed analogiam inter verba & res, sive rationem sedulo inquirat. Varias va- riorum divisiones, subdivisiones & acci- dentia hic præterire decet, cum artium prædictarum naturam saltem in genere tradere constituimus.

Membr: VI.

Secundum inter artes liberales occupat locum pars illa Philosophiæ, quæ Dia- lectica audit. Hæc ingeniорum plurimo- rum gustui ac palato minus grata est, & nihil aliud videtur, quam Spinolæ subti- litatis laqueus ac tendicula. Cæterum u- nam quamq; rem propria si placet di- gnitate metiri, rationis scientiæ reliqua- rum omnino claves sunt. Atque quem- damodum manus instrumentum instru- mentorum, anima formâ formarum, ita & illæ artes artium ponendæ sunt: Neq; enim

enim solum dirigunt, sed & roborant;
 sicut sagittandi usus & habitus non tan-
 tum facit, ut melius quis collineat, sed
 ut arcum intendat fortius. Consistit ve-
 rò hujus artis natura potissimum in se-
 quentibus: 1. Ut argumenta ad quodvis
 thema propositum ostendendum, decla-
 randum, confirmandum, confutandum
~~aut~~ amplificandum promptè ac conveni-
 enter excogitet. 2. Accuratas rerum de-
 finitiones, distributiones, & proprie-
 tum explicationes trædat. 3. Quævis ar-
 gumenta aptè disponat, hoc est rectè e-
 nunciet in axiomate, syllogismo conclu-
 dat, & Methodo in ordinem redigat.
 4. Ex singularibus universaliâ, & vicissim
 ex universalibus singularia, semperq; ex
 principiis & natura notioribus ignotiora
 colligat. 5. Quoslibet tractatus & alio-
 rum scripta in sua principia resolvat, in-
 que iis veritatem vel falsitatem enunci-
 atorum, consequentiam aut inconsequen-
 tiā argumentationum, itemque ordi-
 nem aut confusionem expedite dijudi-
 cet. 6. In colloquis denique & disputatio-
 nibus de unaquaq; re nervosè disputet,

& thesi suâ fidem rationibus sufficientibus faciat, errorem autem & falsitatem in opinionibus aliorum subito apprehendat, celeriterque rejiciat & refutet, ut ad veritatis cognitionem facilius in omnibus perveniat.

Membr: VII.

Tertium in ordine locum illi veterum assignant versus doctrinæ, quæ de illustratione sermonis est, & dicitur Rhetorica sive oratoria. Scientia certe & in se egregia, & egregie à scriptoribus exulta. Eloquentia enim, si quis vere rem aestimat, sapientiam procul dubio est inferior. Videmus enim quanto intervallo hæc illam post se relinquit, in verbis quibus allocutus est Mosen Deus, cum ille munus sibi delatum propter defectum elocutionis recusasset. Habet Atorem, ille erit tibi vice Oratoris, tu vero ei vice Dei. At fructu & populari existimatione sapientia eloquentiæ cedet. Ita enim Salomon: sapiens corde appellabitur prudens, sed dulcis eloquio majora reperiet, haud obscure innuens, sapientiam famam quandam, & admirationem cuiquam concilia-

re: At in rebus gerendis & vita communi, eloquentiam præcipue esse efficacem. Nam cum circa radices hujus artis rem paululum aperiamus, constabit protinus quod hæc (ut Grammatica viam benè si-
 ve pure loquendi monstrat) etiam doceat bene dicere, sive prudenter, copiole orna-
 teq; loqui. Unde & hanc artem ita defini-
 nire solent, quod sit facultas videndi in
 unaquaq; re, quid in ea est ad persuaden-
 dum idoneum. Rhetorica certe phanta-
 siæ, quemadmodum Dialectica intellectui
 subservit. Estq; si quis altius in rem pe-
 netret, officium & munus Rheticæ non
 aliud, quam ut rationis dictamina phan-
 tasie applicet & cominendet, ad excitan-
 dum appetitum & voluntatem. Regimen
 enim rationis impeti, & perturbari tribus
 modis videmus: vel per illaqueationem
 Sophismatum, quod ad Dialecticam per-
 tinet, vel per præstigias verborum, quod
 ad Rheticam; vel per affectuum violen-
 tiæ, quod ad Ethicam. Quemadmodum
 enim in negotiis, quæ cum aliis contra-
 himus, vinci & perduci possumus, vel astu
 vel importunitate, vel vehementia, ita et-
 iam in illa negotiatione interna, quam no-
 biscum

biscum exercemus, aut argumentorum falaciis subruimur; aut impressionum, & observationum assiduitate sollicitamur, & inquietamur, aut affectuum impetu percutimur & rapimur. Et versatur Rhetorica tam in rebus honestis ornandis, quam turpibus oblinendis. Hæc enim ubiq; præsto est. Siquidem vix ullus est qui non honestius loquatur, quam ut sentiat aut faciat.

Concludimus igitur non deberi magis vitio verti Rheticæ quod deteriorem partem co honestare sciat, quam Dialecticæ quod sophismata concinnare doceat. Porro non eò tantum differt Dialectica à Rheticæ, quod ut vulgo dicitur (altera instar pugni altera instar palmæ sit) altera scilicet pressè, altera fuse tractet) Verum multo magis, quod Dialectica rationem in suis naturalibus; Rheticæ, qualis in opinionibus vulgi sita est, consideret. Prudenter igitur Aristoteles, Rheticam inter Dialecticam & Ethicam, cum Politica collocat, cum ex utrisq; participet. Siquidem probationes & demonstrationes Dialecticæ, universis hominibus sunt communes; At probationes & svasiones Rheticæ, pro ratione auditorū variari debent.

Membr: VIII.

Quartum sibi vindicat locum in vers: veterum Musica seu Scientia canendi. Nemo est qui ignorat, Musicen pristinis etiam temporibus tantum non modo studii, sed & venerationis habuisse, ut ejusdem Studioſi, & vates & sapientes summa cum dignitate judicarentur: noviciorum enim posteritatis memoriae traditum esse, inter alios, Orpheum & Linum in tantum cantu praecelluisse, ut rudes quoq; & agrestes animos, non solum admiratione mulcissent, sed feras etiam atq; saxa sylvasq; exhilarassent. Et Tymagenes autor est, Musicen omnium in literis studiorum antiquissimam extitisse, qua de re etiam testes sunt, Petri clarissimi, qui inter regalia convivia laudes heroum atq; deorum ad citharam cantabant. Hac arte etiam usi sunt Philosophi celeberrimi, ut Socrates, qui jam senex lyra institui non erubescerbat. Nec defuerunt duces maximi qui huic scientiae operam navarunt, traditum siquidem est, exercitus Lacedaemoniorum musicis modulationibus accensos fuisse. Unde etiam in nostris legionibus conva & tuba exhibentur; ipsa namque natura, ad tolerandos facilius labores videtur non posse musica carere, sicuti etiam vilissimos quosvis cantu delectari compertum habemus, non solum in iis operibus in quibus plenum conatus, praeunq; jucunda aliqua voce conspirant, ut remiges, sed etiam singulorum fatigationem se rudi modulatione solari; Nam natura qua odit imperium.

perium, persuasionem admittit, etiam si nimium oneris imponatur, dum modo suavi cantilenâ exhilarari contigerit, quod sit, cum Musicus se ejus auribus accommodat, cuius mentem traducere ad voluptatem cupit. Reficit cantus homines solitarios, recreat depresso & tristes, placet Deo, & flectit homines, confert non solum ad delegationem, sed etiam ad alacritatem animi. Quare etiam merito divinitatis cuiuspiam videri possit, quia animum erigit & in sublime rapit; Hujus natura ulterius explicanda esset, si hoc studium veluti novum præciperemus. Verum cum antiquitus à Chirone & Achille usq; ad tempora posteriora, apud omnes, qui modo legitimam disciplinam non sint perosi, duraverit, speramus illam omnibus satis notam esse.

Membr. IX.

QVINTUM locum, inter artes liberales adscriperunt vetres Aritmethicæ, quæ est Scientia numerandi, & quadrupliciter, nimirum addendo, subtrahendo, dividendo & multiplicando peragitur. Hæc reliquarum scientiarum Mathematicarum mater est, cuius ope magnitudinum rationes & proportiones in Geometria cognoscuntur, cuius auxilio solutio angularum scientifica exspectatur. Hæc suas vires etiam in reliquis disciplinis Mathematicis commodat. Unde enim peterentur dimensiones altitudinum, distantiarum superficierum, corporumq; materialium in Geodesia? unde in Astronomia & Geographia al-

ſeſultarēt Platonica, qva mens humana in ſublime veſta, ſiderum magnitudines, motus, or-
tus, occaſus, item q; ſolis & lunæ defectus; ſimul &
quantitates dierum, diſtantius locorum, elevatio-
nem poli, & id genus alia determinat, in ta-
bulas refert & demonstrat. Adeo ut reliqua Ma-
theſis nullo fundamento ſit ſuperstructa, & o-
mnis status atq; conditio hominum maxima
diſſicultate laboret, fi numerorum ſcientia, ejus-
que vel ſola regula aurea exularet.

Membr: X.

Sexta ex artibus liberalibus eſt Geometria, quæ
definitur, quod ſit ſcientia entium rationalium
quantorum. Vocabulum Geometriæ quidem an-
guſtius eſt, quam ut divinæ huic ſcientiæ tribui
poſſit: tamen quia juxta à veteribus ac recentio-
ribus adhibetur, eidem uſum, quem præſcriptio-
ne qvaſi obtinuit, non denegabimus. Et que
duplex theoretica & practica:

Theoretica monſtrat affectiones, quantitatil
continuæ inhærentes per principia, & in nuda co-
gnitione ſubſiftit.

Practica vero qvæ quantitatem rei aliquujus per-
certam aliquam menſuram adhibito instrumen-
to docet inquirere.

Geometria theoretica eſt ſcientia quædam id
eſt cognitio eorum, qvæ magnitudinibus acci-
dunt, & de nullo uſu gloriari potest. Nam ſcien-
tiis hoc inesse videtur omnibus ut propter aliud
non ſint, ſed in ſuo genere perfectum quiddam.

Quæ vero practica appellatur, nihil aliud quam
ars est in singularum rerum mensurazione occu-
pata. In summa Geometrica scientia, universa-
liter & per causas veras magnitudines contem-
platur: Ars vero circa singularia est occupata,
& usum in signem habet, non modo in negotiis
civilibus, quando limites agrorum ponimus,
& conservamus, vel vasorum capacitates inquiri-
mus, sed etiam ad bellica sece extendit.

Ex dicto autem Practicæ usu, Theoreticæ
quoque præstantia perspicitur: quia practica ex
hac certitudinem suam mutuatur, & nihil accu-
rately nisi huius ope perficit.

Membr: XI.

Septimum seu ultimum locum tribuerunt ver-
sus mnemonici ipsi Astronomiaæ quæ & Ultra-
nomethria, & scientia sideralis aliis nuncupa-
tur. Olim etiam Astrologia dicebatur. Sed re-
centiores nomen Astrologiaæ ei relinquent
doctrinæ, quæ ex stellarum motibus earumque
ad se invicem habitudine futurorum prædictio-
nem pollicetur. Hodie vero Astronomia nomine
venit mixta illa Mathematica scientia, quæ
non in generali quantitatis notione occupatur;
sed restringitur ad determinatum subjectum, pu-
ta stellas, quæ sunt ingentia corpora, ad nudum
intuitum sphærica, in cœlo æthereo collocata ad
illustrationem teliuris, primariamq; temporum
mensuram. Hanc naturam Physico explican-
dam

dam relinqvit Astronomia & solum affectiones,
videlicet, motum situm, distantiam, magnitudinem,
lumen & si quæ plura phænomena, adsci-
tis cum in finem consentaneis quibusdam hypo-
thesibus, exponit & scrutatur.

Membr. XII.

Quoniam, qvæ ad pæsentis materiæ illustratio-
nem ulterius facerent ob angustiam tempo-
ris magis non addere licet, idcirco supremas
eidem priusqvm imponimus manus, haud in
conveniens esse videtur, breviter aperire, hanc
partitionem Philosophiæ inadæquatam adeoque
insufficientem esse, cum præter Physicam, Meta-
physicam & Pneumaticam, atque alias partis
theoreticæ scientias, etiam partem Philosophiæ
practicam, nimirum Ethicam, Politicam & Eco-
nomicam à circulo Philosophico exulare faciat,
qvarum naturam nostri instituti ratio hac vice tra-
dere vetat. Gratias agentes Numinis supremo hu-
milimas, qvod has famulatrices disciplinas, non
modo inveniri, sed & inventas conservari atque
augeri ad tenebras humanæ mentis profligan-
das clementer permiserit, supplicantes pariter, ut
etiam easdem in posterum non modo in pari fa-
stigio perpetuare, verum & indies incrementa
majora capere faciat, in nominis scilicet glo-
riam, & nostri obscurati intellectus
illuminationem:

Soli DEO gloria.